

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 Ip 969300 22 Ip  
Sarajevo, 18.06.2024. godine

Općinski sud u Sarajevu, sudija Mehudin Duraković, u pravnoj stvari tražitelja izvršenja European Broadcasting Union („EBU“) ul. L Ancienne - Poute 17A, 1218 Le Grand-Saconnex, Ženeva, Švicarska, koga zastupaju Olodar Prebanić, Arela Jusufbašić-Goloman i Lana Jusufbašić, advokati iz Sarajeva, protiv izvršenika BHRT-Radiotelevizija Bosne i Hercegovine, ul. Bulevar Meše Selimovića 12, koju zastupaju Damir Katica i Amin Hasović, advokati iz Sarajeva, radi izvršenja, 18.06.2024. godine, donio je

## Z A K L J U Č A K

I-Određuje se prva prodaja nekretnina upisanih u zk ulošku broj:

- 7222 KO SP-Dolac, označene kao parcele broj: 524/6 vrt velika njiva, vrt, površine 1100 m<sup>2</sup>, 254/7 oranica velika njiva, oranica površine 540 m<sup>2</sup>, 254/8 oranica velika njiva, oranica, površine 870 m<sup>2</sup>, 524/1 ekonomsko dvorište, površine 8096 m<sup>2</sup>, 524/9 benzinska stanica, ekonomsko dvorište, benzinska pumpa, ekonomsko dvorište površine 1515 m<sup>2</sup>, 524/10 ekonomsko dvorište površine 879 m<sup>2</sup>, 524/11 ekonomsko dvorište, gradilište površine 28655 m<sup>2</sup>, 524/12 ekonomsko dvorište gradilište površine 75 m<sup>2</sup>.

-8509 KO SP-Dolac, označene kao parcela broj 523/2 zgrada Radio i televizije, zgrada, površine 575 m<sup>2</sup>.

za dan: **srijeda 25.09.2024.godine u 9,45 sati**

Ročište za prodaju održat će se u zgradi Općinskog suda u Sarajevu ul. Šenoina br.1. soba br.444 – Izvršno odjeljenje.

II- Vrijednost predmetnih nekretnina utvrđuje se u ukupnom iznosu od 165.564.697,20 KM na osnovu nalaza sudskog vještaka građevinske struke Muje Isakovića od 02.03.2024. godine.

III-Na ročištu za prvu prodaju ne mogu se nekretnine prodati ispod polovine (1/2) utvrđene vrijednosti.

IV- Ako se nekretnine ne budu mogle prodati na prvom ročištu, sud će u roku od 30 dana zakazati drugo ročište na kojem se nekretnine iz stava I ovog zaključka ne mogu prodati za manje od 1/3 utvrđene vrijednosti.

V-Ponuđačima čija ponuda nije prihvaćena, vratit će se osiguranje odmah nakon zaključenja javnog nadmetanja.

Ponuđač sa najboljom ponudom dužan je uplatiti prodajnu cijenu umanjenu za položeno osiguranje u roku koji mu odredi sud.

VI -Na ročištu za prodaju nepokretnosti kao kupci mogu sudjelovati samo osobe koje su predhodno položile osiguranje. Osiguranje iznosi 10.000,00 KM. Osobe koje sudjeluju u javnom nadmetanju dužne su prije početka ročišta sudu predati po jedan primjerak uplatnice iz koje je vidljivo da je osiguranje položeno.

Osiguranje se polaže na račun kod Općinskog suda u Sarajevu br. 1411965320009639 kod BBI banke dd, sa naznakom broja predmeta.

Od polaganja osiguranja oslobodjen je tražilac izvršenja.

Porez i taksu u vezi sa prodajom nekretnine snosi kupac ukoliko se stranke drugačije ne dogovore.

VII- Ovaj zaključak objavit će se na oglasnoj ploči suda, a stranka može o svom trošku objaviti zaključak o prodaji u sredstvima javnog informisanja.

S u d i j a  
Mehudin Duraković

POUKA: Protiv zaključka nije dozvoljen pravni lijek.